

Broj: 09-11-3-492-9/25
Mostar, 25.04.2025. godine

Na osnovu člana 64. stav (1) tačka b) najniža cijena, člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14, 59/22 i 50/24), na preporuku Stalne komisije za javne nabavke broj: 09-11-3-492-5/25 od 24.04.2025. godine u postupku javne nabavke usluga servisiranja i održavanja motornih vozila marke Volkswagen Federalnog ministarstva energije, rudarstva i industrije LOT 2 – oznaka i naziv iz JRJN – 50112200-5 – Usluge održavanja vozila, federalni ministar energije, rudarstva i industrije, donosi

O D L U K U

o izboru najpovoljnijeg ponuđača za LOT 2 - Nabavka usluga servisiranja i održavanja motornih vozila marke Volkswagen Federalnog ministarstva energije, rudarstva i industrije – oznaka i naziv iz JRJN – 50112200-5 – Usluge održavanja vozila

Član 1.

Prihvata se preporuka Stalne komisije za javne nabavke (u daljem tekstu: Komisija), broj 09-11-3-492-8/25 od 24.04.2025. godine i Okvirni sporazum za javnu nabavku usluga servisiranja i održavanja motornih vozila marke Volkswagen Federalnog ministarstva energije, rudarstva i industrije LOT 2 – oznaka i naziv iz JRJN – 50112200-5 – Usluge održavanja vozila, dodjeljuje se ponuđaču M.R.M. export import d.o.o. Ljubuški, sa sjedištem na adresi Hrašljani 12, 88320 Ljubuški, ponuda broj: 12/25 od 11.04.2025. godine, za ponuđenu cijenu od 14.216,00 KM bez PDV-a, kao najbolje ocijenjena ponuda.

Član 2.

Prijedlog Okvirnog sporazuma dostavit će se na potpis izabranom ponuđaču M.R.M. export import d.o.o. Ljubuški, po isteku roka od 10 dana računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijsko - računovodstvene poslove.

Član 4.

Ova odluka objaviti će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluga servisiranja i održavanja motornih vozila marke Škoda, Volkswagen, Toyota i Renault Federalnog ministarstva energije, rudarstva i industrije – oznaka i naziv iz JRJN – 50112200-5 – Usluge održavanja vozila, broj 09-11-3-492/25 od 18.03.2025. godine.

Javna nabavka je provedena putem Konkurentskog zahtjeva za dostavu ponuda s ciljem zaključivanja Okvirnog sporazuma na 1 (jednu) godinu.

Procijenjena vrijednost javne nabavke je 16.000,00 KM.

Obavještenje o nabavci broj 1380-7-2-6-3-8/25 poslano je na objavu dana 07.04.2025. godine.

Dana 24.04.2025. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za LOT 2 - Nabavka usluga servisiranja i održavanja motornih vozila marke Volkswagen Federalnog ministarstva energije, rudarstva i industrije – oznaka i naziv iz JRJN – 50112200-5 – Usluge održavanja vozila.

Komisija je blagovremeno i pravilno izvršila otvaranje ponude i izvršila pregled i ocjenu pristigle ponude, o čemu je sačinila odgovarajuće zapisnike u kojima je utvrđeno sljedeće:

- da je blagovremeno pristigla ukupno jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača M.R.M. export import d.o.o. Ljubuški prihvatljiva, jer ispunjava uslove za kvalifikaciju, propisane tenderskom dokumentacijom;

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu prispjele ponude, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač M.R.M. export import d.o.o. Ljubuški izabran primjenjujući kriterij najniže cijene koja je ponuđena u iznosu od 14.216,00 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona, odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može, radi zaštite svojih prava i pravnih interesa izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.

DOSTAVITI:

- M.R.M. export import d.o.o. Ljubuški
- Službi za finansijsko – računovodstvene poslove
- a/a


MINISTAR
Vedran Lakić